



Von Reinicken Fuchs/

Wie man der noch dann etlich findt/
 Vnd viel der Geistlichen auch findt/
 So wirdt er alle tag geplagt/
 Durch falsche zungen offft besagt/
 Er mag nicht leben hie mit ruh/
 Dasß ein solt billich grauwen nuh/
 In leben hie auff dieser Erdt/
 Fürwar die Welt ist schier nicht werth/
 Dasß ihr Gott gut Regenten geit/
 Es ist fürwar ein arge zett/
 Er Omnes sicht die Prelaten an/
 Wenn sie etwas böß han gethan/
 So folgt der gemein Hauff auch hernach/
 Oder schreyt vber die Pfaffen rach.
 Strafft sie denn einer vmb die Sünd/
 So sprechen sie zur selben stund:
 Ey ist die Sünd so groß vnd schwer:
 Thuns doch die Pfaffen selber mehr/
 Denn ander Leuth/ es muß nicht sein/
 Dasß die Sünd verdien solche pein.
 Entschuldigen sich mit den Pfaffen/
 Damit sie sich gleichen dem Affen/
 Der nach wil thun alls was er sicht/
 Darumb ihm offft vbels geschicht.

Die Pfaffen sitzen in vnehrn/
 Ihr Zorn vnd Kinder zu ernehrn/
 Ihr gröste sorg ist ganz vnd gar/
 Nem sein ein jeder selber war/
 Ob nicht derselben Zorn vnd Kind/
 Die Stölzsten vnd hochfertigsten sind.
 Man kompt jetzt in eines Fürsten Landt/
 Da nicht gewiß der Geistlich standt/

GAE

263

261

267

257

272

252

312

212

362

162

Ende

Anfang